

Identity Muslims are not Canaanites 2

المسيحية دين. الاسلام دين ودنيا.

دنيا يعني ثقافة. يعني قوانين ونظم اجتماعية. يعني شريعة. يعني شعب على حدا.

A People

والمسلمين على حق بقولن: نحن أمة. أمة يعني شعب. راجع ميثاق المدينة والقرآن. والمسلم في موريتانيا اخ المسلم في اندونيسيا. بالحد الأدنى هيك لازم، هيدا الاسلام. وهني حرين.

المسيحية ديانة فانت ع شعوب. تدخلت بدنيوياتها عبر التعاليم الكنيسية ولا تزال، بس هيدا من خطأ الإكليروس ومحدود نسبةً لدنيا الاسلام.

الاسلام ما فات ع شعوب. هو سحب شعوب من دنياها الى دنياه: يعني ما في قبلي مسلم. ما في اشوري مسلم. يعني مش ممكن يكون في كنعاني مسلم.

هلق بتقلي بس في كردي مسلم وفارسي مسلم وتركي مسلم...

او مسلم كردي ومسلم فارسي ومسلم تركي (كلو ع سليل المثال).

(الفرق بين متلاً مسلم كردي او كردي مسلم هو مين الموصوف اي الاساس، ومين الصفة)

الاسلام مثل ما قلت اعلاه هو يعلو على الإثنيات، او اقله هكذا يجب. طبعاً هيدا طموح عالي. مثل ما طلبات يسوع بالإنجيل طموحها عالي.

بالمناطق القريبة من موقع انطلاق الاسلام، هالشي زبط: المشرق / الجزيرة العربية / مصر / السودان، يعني اجمالاً العالم "العربي لاحقاً". اكيد زايد شوي ناقص شوي، متلاً ليبيا للمغرب. وهالشي صار لأن العربية حلت كفصحى وكان في قوة كافية لطمس آثار الحضارات السابقة للإسلام. وكون المحكيات قريبة، اعتبرت اللغات المحكية كلها لهجات عربية.

اما بالمناطق الابد، وسط افريقيا، بلاد فارس، وسط اسيا، الخ... هالشي ما نجح: احتفظو المسلمين بقدر شوي أكبر من ثقافتن الأساسية، كما احتفظوا بلغاتن الفصحى وتعريف لغاتن المحكية، وبقوا يتمايزوا ويتناحروا على أساس اثنياتن ما قبل الإسلام. ما قدرو حطو إسلامن اعلى. والاسلام بالمنطقة عنا صار اسمن عرب من ١٥٠ سنة بفعل النهضة (والمسيحية كمان 😊). بس الجوهر بضل واحد: هني مسلمين قبل ما يكونوا اترك وافر وعر الخ...

بالتالي المسلم الوفي ما بيقدّر يكون من دنيا تانية. هو من الشعب المسلم. واكيد من الديانة المسلمة.

طبعاً في اقلية ضايعة، عايشة الجويلي يُسمّى "مسيحي" بلبنان، يلي هو كنعاني علمياً، ويُسمّى اوقات "لبناني" وهيدا شي غلط، لان لبنان هو اسم لأرض من ٦٠٠٠ سنة، ولكن الشعب يلي كان ساكنها كان الكنعاني.

إذا حضرتك بحاجة لاستفاضة او اي شي ثاني ممكن نتواصل علمسنجر، على أمل إقدر وافيك ضمن إمكانياتي المتواضعة. ☺🌸

انا بشكرك على تقديرك ☺☺

لازم نتخلص من محاولات تغيير الآخر بحجة امكانية التعايش. اكان في لبنان (انا لبناني) او عالمياً.


المسيحيين عايشين ضياع رهيب،

والمسلمين كمان

وعم يضل في صراعات وحروب (عدا الصراعات الداخلية لكل منهما)

لأن محاولات التغيير لم تفلح، يعني بعدنا بتعددية وما صار في انصهار،

ولأن هيدا الضياع اضاع معو تشخيص المشكلة وبالتالي لا حل دون تشخيص سليم.
بتحب حدا؟ بدك تعايش؟ (لا أعني حضرتك انما عامة)، بدك تقبلو مثل ما هو، وتعطي مساحة جغرافية يتبلور فيها.
بتزورو؟ اكيد! بتختلط معو؟ اكيد! بتقضي عليه بالسياسة وبالديموغرافيا وبتحاول تصهرو فيك بغسل دماغو؟ اكيد لأ...
اما حضرتك، فانت كفلسطيني (او لبناني او سوري..)، إذا كنت مسلم، فانت تحتفظ بأمر من ثقافة اجدادك ما قبل
الاسلام لم تتعاطى بها دنيا الاسلام (كما حصل مع الكنعانيين والعرب والأشوريين والقباط والفرس والأتراك والاكراد
والمليزيين يلي أسلموا...)
(وهي امور للحقيقة نبطية بالنسبة للفلسطينيين وغرب الاردن، لكن الانباط كانوا جد قريبين للكنعانية ولكن هيدا موضوع
آخر)

ولكن اكرر إنك كمسلم لا مانع في ان تكون فخور بأصولك النبطية! (او الكنعانية، مش هون النقطة).
انما انت اذا عايش اسلامك بحده الادنى، فيجب أن يكون فخرك لإسلامك (كانتماء سوسيولوجي وليس ديني بحث) 😊


إذا انا أصريت انو كل الناس كنعانية، عم إخلق مشكل! هون غلطة اخوانا العرب وحتى بعض السريان...
عذراً على صراحتي انما انا اري في ضياع المسلمين اشكالية عليّ وليس فقط على نفسهم. لا يجب ان يتعرضوا لغسيل
لهويتهم... حرام...

وانا حبيبتك وحبيب كون معك صريح وبكل محبة!
وبكل الاحوال انا فخور بصداقتك!
وربما انت تعرف اننا في لبنان وخاصة كمسيحيين عانينا الامر من الفلسطينيين، لكننا يجب ان نبني جسور التواصل
والغفران كي لا تتكرر الامور ومن اجل اولادنا ❤️ ☐

نهارك حلو! 